



鄒文忠公陵川文集序

國初未遑文治不階教育奮然自勵致海

內盛名文章事業者舊推重時輩莫敢

與角若國信使贈昭文館大學士紫祿

大夫司徒冀國公謚文忠郝公真豪傑

之士哉公諱經字伯常上世澤州之陵

川人八世義居儒行師表一鄉至公歿

大素業蔡國張公館于家



鄒文忠公陵川文集序

世皇聞之首加禮聘奏對屢稱

旨益竒之南征舉以偕行授江淮宣撫副使中統初遷充宋使留十有六年不辱君命天下戶知之詳見隧銘洎神道碑今集賢大學士郭公貫幼從公學其任禮部尚書也請刊其遺文

朝廷從之事屬江西行省以序見徵惟公挺不世出之才蘊大有爲之志氣剛以

大學博而充陳時政兵事綽見經濟之能傳周易春秋深探幽隱之趣正蜀紀刊前史之繆誤移宋朝悉和議之利害雜著歌詩涵泳古今本原騷雅不失爲竒作使之叅與

廟謨黼黻王度斯民被澤吾道增重也必矣方羣賢彙進之秋乃遠涉江淮投身虎口及歸年德耆劭區宇混一宜享安

祭之樂而大故遽及生平抱負竟不獲
展萬一可哀也已然其終始大節日光
玉潔焜耀無窮述作之夥刻示永久
可以下慰九泉矣崇儒報功

國家盛典獲紀其實託名簡編之末又何
敢辭敬爲之書以諭來者延祐丁巳四
月 日國子祭酒東平晚生李之紹
謹序

新刻陵川文集序

斯文在天地間未嘗一日磨滅

雖否剝之極亦必陰有禪續以
需復而開泰蓋天地之命脉吾
人所恃以生者其得而喪乎自
古夷狄之禍未有如勝國者溷

我神器腥我皇極天常人紀宜
若壞爛而無餘然豪傑之士奮
起北方文章行義炳相望足以
用夏變夷推而使繼唐宋之後
有六朝五季所不及者豈非天
意之有在哉吾鄉陵川郝先生
自少力學博極羣書其為文豐
蔚豪宕詩竒崛俊逸而卒澤于
道德仁義誠一代宗匠非區模
寫篆刻者比也顧兵燹之餘其
集失傳龍垂髻時即慕先生名
僅聞其詩一二求全集不得者

數年而未置也迨承乏史職憲
副沁水李公叔淵篤學好古凡
先達制作有未顯者輒為表章
亦以是屬龍始獲抄諸

閣本及公轉湖廣憲使遂付諸
梓龍得校而序之惟陵川學有
淵源不徒文而已蓋自明道令
晉城澤人遂知程氏之學郝氏
世以儒顯至先生益務恢拓故
其學邃于理而精于易自伊洛
以遡鄒魯而上窺羲文期于有用
不為俗儒聘起使宋慨然以弭

兵安民為任不幸拘留十有六年因辱備至方舍命不渝從容著述為書凡數百卷皆闡精示微窮高極遠擴前賢所未發此吾儒之澤所以不斬而生民卒免於左社也嗚呼自有元得罪萬世後之議者往以任元病諸公不知天生賢才為斯道計賢才處世亦惟以道自任不敢有負于天天下雖亂于是存吾道而生吾人亦庶乎其可也叛如公山偕如楚子而夫子皆欲往

陽川文集卷之四
四
焉况生其地為之民將奚所逃
哉以夷狄之暴而君諸夏非諸
賢維持而救正之則人道之滅
久矣豈能復待

聖明之出乎因序先生集而併
及之

正德二年丁卯秋八月朔

賜進士及第翰林院

國史編脩文林郎上黨劉龍序

陵川郝文忠公文集序

文所以載道道一也而文則隨時而變焉有唐虞三代之文有先秦兩漢之文有魏晉之文有唐人之文有宋人之文有元人之文唐虞三代之

文簡古不可尚已秦漢而下
愈變則愈繁至于元而文之
變極矣文雖以時異而道未
嘗不寓焉其言比于道者文
之粹者也其言盭于道者文
之駁者也若陵川郝公之文
其元文中之傑然者乎公生
于冀而仕于元少穎敏有大
志自六經諸子歷代史傳以
至天文兵律無不淹貫洞達
其學博其才瞻故發而爲文
也汪洋滂沛如大河東注一

瀉千里抑揚起伏如太行諸
峯層見疊出蓋積之深而發
之盛理固然也公嘗以元世
祖卽位奉使輸平于宋適理
宗末季賈似道誤國遣人幽
公于真州者十有六年公處
困而裕方且日以著述爲事
初無抑鬱無聊之態則其所
養又可知已文集凡若干卷
板行于元久而散逸見者鮮
焉吾大憲長李先生叔淵博
學好古以公鄉先哲也景慕

之尤深求其集踰二十年始
得全帙如獲拱璧遂手校而
刻之梓以傳嗚呼宋開慶間
公從元世祖次師于鄂登高
吊古其詠武昌三節婦詩實
載集中則鄂固公所嘗游覽

之地也距今二百余年而文
集廼刻于茲夫豈偶然也哉
抑公之所著有續後漢書及
易春秋內外傳皆卓然自成
一家惜乎無傳焉安知是集
一出不有因之而旁求者乎

公名經字伯常謚文忠世家
澤之陵川其履歷顛末具在
銘誌茲故得而畧云

正德二年歲在丁卯春正月

吉

賜進士出身奉議大夫湖廣等

處提刑按察司僉事奉

勅提督學政前翰林院庶吉士

廬陵陳鳳梧謹序

延祐五年五月初九日奉

江西等處行中書省劄付准

中書省咨集賢院呈延祐四年十二月初五日也可

怯薛第二日

嘉禧殿內有時分對速古兒赤明里董瓦學士喜春等有來本院官陳大學士

奏郝伯常學士做國信使入宋講和去時於真州拘留了十六年間做了一部續後漢書并他平日作來的文章陝川文集這部書中書省交江西行省有管下學校錢糧內關板去了也奏呵奉

聖旨您與省家文書交疾忙了者麼道
聖旨了也欽此具呈照詳得此咨請欽依施行准此省府
仰依已行開刊施行奉此

中書省移江西行省咨文

皇帝聖旨裏中書省禮部呈奉省判翰林國史院呈照得
先據經歷司呈奉禮部符文承奉中書省判送本部
呈准尚書郭嘉議關竊謂士遇則致君澤民功被一
時不遇則著書立言名垂後世故翰林侍讀學士國
信使贈昭文館大學士資善大夫文忠郝公以命世
之才爲

世祖皇帝所知

潛邸召見置諸侍從中統

御極即

命講好使宋拘留十有六年至元乙亥始得歸

國凜然風節遠配古人將被大用以宿瘴而卒其平日

著述如三國志點曹魏而主劉蜀使正統有歸昭合

朱文公通鑑綱目筆法一洗前書之謬誤是誠有補

於世教又如春秋外傳一王雅陵川文集等書學者

願見而不得似此遺藁家藏尚多不幸其子山南江

北道肅政廉訪使文徵早卒伏慮前書久而散失良

可惜也如蒙

朝廷允許於懷州本家取發前來付翰苑披詳發下版

行庶使一代儒宗雄文傑作不至湮沒傳之將來以

見

聖治文明之盛是則非惟死者之幸實後學之幸也請

轉呈都省照詳施行本部叅詳如准所言將郝文忠

公遺文東集梓行誠有補於世教具呈照詳覆奉

都堂鈞旨送禮部依上施行奉此行據懷孟路申今

將陵川文集并三國志申解前去乞照驗事省部仰

照驗議擬施行承此具呈照詳得此除將發到陵川

文集一十八冊三國志三十冊送付編脩官蒲道源

等考較去後今據待制趙穆編脩官蒲道源等官連

呈文忠公郝經所著文集筆力雄深議論該博忠義

之氣藹然見於言意之表其續漢書得先儒之至論
黜晉史之帝魏使昭烈上繫漢統扶立綱常有補世
教其間叙事典贍核實多前史所未及者若蒙呈達
都省行下書坊版行傳後非准使斯人生平精苦之
志有以表見于世亦示我

國朝之有人焉呈乞照驗得此翰苑議得如准待制趙
穆等所言相應除將前項文集依數發付禮部依上
施行外得此奉都堂鈞旨送禮部照擬施行奉此本
部參詳郝文忠公著述三國志陵川文集等書既翰
林國史院考較得堪以版行相應得此南行省所轄
儒學錢糧多處刊行相應得此今將前項文集隨此
發去都省合行移咨請照驗行下合屬依上委官提
調如法刊畢各印二十部裝精完備咨來

元故翰林侍讀學士國信使郝公神道碑銘

集賢學士嘉議大夫盧摯撰

公諱經字伯常郝氏自潞徙澤之陵川始公八世祖
祚曾祖昇祖天挺父思溫旣歿其徒相與號靜直處
士有三男子公其長子也八世祖而下皆同居業儒
不仕以淑其里場休滿慶迺發於公壬辰之變靜直
君流寓燕趙間公年十餘歲沉塞靜重狀貌瓌奇精
敏有志趣盡力于職及其爲學晝或忘晡通夕詰旦
衣服危坐諷誦不輟劬勤如此凡五六年剗剗抗摩
磊砢而直廉泉而輝涵積揉累日殊月異擷芳雋腴

充而足之趨武周孔比肩淵轡雷風斯文陶冶當世
慨然以爲己任山峙川駛天遊神遇屹乎莫移浩乎
莫禦變化不可測矣旣冠順天道左副元帥賈公輔
一見待以國士萬戶張蔡公柔館公帥府張賈子弟
皆從質學海內名諸侯聞伯常之風者莫不飭使介
走書幣庶幾屈爲賓友公一謝絕

世祖在潛邸羅致異儔挹其聞去聲遣使者一再起公既奉
清問上稽唐虞下追湯武所以仁義天下者綏頽以
談粲若所陳也

世諭所聞凝聽忘倦且俾書所欲言者條款十餘事皆
援摭古義剴切時病及踐祚更化用公之言居多歲
已未

憲宗自將伐宋建勣益上流

世祖揔東帥跨荆鄂公建議大槩以謂彼無釁可乘未見
利唯修德以應天心發政以慰人望簡賢以尊將相
博族以壯基圖撫殊俗制列鎮以防窺竊結盟保境
興文治飭武事育英材恤罷氓以培植元氣藏器於
身待時而動則宋可圖矣

帝偉公所論以爲江淮荆湖南北等路宣撫副使然勢不
中止遂絕江表守將賈似道賊遽請和屬

憲廟升遐

王師言還明年

世祖即皇帝位詔公以翰林侍讀學士使宋號使曰國信
錫金虎符公方踰淮邊將李璫輒潛師侵宋兩淮制
置李庭芝寓書于公鱖以欵兵館留真州藉爲口實
公荅書弭兵息民通好兩國實出

聖衷日諭邊將戢戍守圉以契和議衆所聞知今啓釁自
璫一旦律以違

詔將無所逃罪此何與使人事也公復上書宋主移文
其執政論辯古今南北戰和利害甚悉皆不報願窮
極變詐以撼公之志知其終不可怵於詭數也建鏞
館所塹垣柵棘驛史訶閤夜士鳴柝防閑挫抑獄犴
之嚴不啻如此介佐而下久於囚羈戚嗟尤怨無復
生意公語之曰卿顧望不前將

命之責一入宋境死生進退聽其在彼守節不屈盡其
在我者豈可不忠不義以辱中州士大夫乎但公等
不幸須忍死以待揆之天時人事宋祚殆不遠矣衆
服其言亦皆自振勵至元十一年右丞相伯顏奉

辭南伐江漢名城望風鄉附

世祖命禮部尚書詰衆執行人之故遂以禮歸公

間嬰疾在途醫問絡繹既至

錫燕路朝以乘其德隱其瘁於厯事也

詔治疾於家病殆不起以

聞

天子悼焉官其子參麟奉訓大夫起家知林州初公之使
宋也內則時相王文統忌公重望排置異國陰屬邊
將遠

詔侵宋沮撓使事款以款兵假手害公外則宋權臣似
道竊卻敵為功取宰相長公露其馬盟幸免之跡遂
主議稽留舉國皆知其非似道不恤也公拘儀真館

十有六年去國未幾而文統伏誅甫歸國宋探誤

之罪似道殛宋隨以滅然則懷姦怙寵傾陷善良

暫若得計機發禍敗會不旋踵抑宋有亡徵公與阮

會其患難不渝始終名節寔一時而享百世者初非

不幸也公歸以十二年四月卒以是年七月乙酉春

秋五十有三是月丁酉權厝保定府西靜直君墓次

公幼至孝撫諸弟極厚待宗族疏近如一篤友樂施

惠於已者雖細惠必報然偉特方嚴風岸峭立衆不

可攀薰良猶姦題帖無貸故用世之志適際可為已

墮奇擯既處幽所日以立言載道為務撰續後漢書

紉不儕權還統章武以正壽史之失著春秋外傳易
 外傳太極演原古錄通鑑書法玉衡直觀刪注三子
 一王雅行人志各數十卷公於辭以理為主推渾有
 氣文集若干卷傳於世嗚呼功於斯術者不既多乎
 指累適已又何其勤也公娶張氏淑明祇修媿惠君
 子後公卒子男三人二早卒一采麟也以文學行治
 擢實侍從今為集賢直學士朝列大夫女子二人皆
 已嫁孫二人皆幼其孤采麟謀徙公之厝兆孟州河
 陽縣某鄉某里卜叶則次公生平事來謂涿郡盧摯
 曰先子葬有日墓隧之碑宜得銘得銘非倍後詒遠
 者然猶無刻也夫子宜銘摯惟侍讀公以宗儒文雄
 有勞烈於國叙真暴庸莫詳史氏其堅毅忠壯抱負
 不可掩者名聲昭徹雖走卒牧豎深閨婦人皆能道
 公姓字與沒世無聞者異信後詒遠何待墓刻然固
 不可無銘也銘曰

鍾氣之奇唯志是持緒道之微而才可為振轂鄒魯
 驂乘傳伊獵惠游藝載驅載馳孰濬其瀦孰植其茲
 孰芬其藪孰煦孰吹有實其居賓吾能戲磨

聖清千藩髦選無遺福曳冠魏憲言祁祁躍淵
 天飛麟公雲達迺瞻南顧迺休

王師適命鴻碩柔遠淮夷夷速其顛公凜乎危削繁操
觚榮觀幽羈刪述昉分名義昭垂薄言還歸昔壯今
耆胡不康寧胡不期頤胡不三事為

國蕃龜

清廟宗彝不既厥施興論嗟嘻蒸蒸嗣慶圖求孝思刻
文墓碑以顯詩之

元故翰林侍讀學士國信使郝公墓誌銘

翰林學士承旨正奉大夫知制誥兼脩國

史閣復撰

一天下之道有二以仁以得人奚以仁孟軻氏所謂
不嗜殺人者能一之奚以得人漢史所謂知人善任
使所以成帝業也洪惟

世祖聖德神功文武皇帝之取江南其審是道歟我

朝肇起朔方奄宅中夏惟靖康餘孽假息一隅干戈相
尋餘數十年中統建元之初首遣信使通好以偃兵
息民為務宋人怙險執我行入久之而不返始興問

罪之師臨軒命將引宋將曹彬不殺為戒其一天下
之仁灼見於此為將帥者卒能以仁義之師席卷三
吳所過市不易肆三代名將不啻過焉奉使節者被
執十六年之久卒能完節而歸不辱

君命兩漢名臣無以尚之嗚呼

世祖皇帝知人之明遠追堯舜豈區區漢祖所可比隆哉
將帥謂誰大丞相伯顏是已奉使謂誰故翰林侍讀
學士郝公其人也公諱經字伯常系出有殷帝乙支
子封太原郝鄉子孫因土命氏八世祖祚自潞徙澤
之陵川遂為陵川人祖諱天挺考諱思溫八世同居

以儒術教授鄉里考歿門人謚曰靜直處士靜直公
三子公其長也幼不好弄沉厚寡言金季亂離父母
挈之河南借眾避兵潛匿窟室兵士偵知燎煙于穴
爍死者百餘人母許亦預其禍公甫九歲暗中索得
寒蕝一甌挾齒飲母良久乃蘇其卓異見於童稚若
此金亡北渡僑寓保定亂後生理狼狽晨給薪水晝
理家務少隙則執書讀之父母歆成其志假館于鐵
佛精舍俾專業於學坐達旦者凡五年初被郡帥賈
侯之知待以賓禮蔡國張公聞其名延之家塾教授
諸子蔡國儲書至萬卷付公管鑰恣其搜覽公才識

超邁務爲有用之學上泝洙泗下迨伊洛諸書經史
子集靡不洞究掇其英華發爲詞章論議視前古慨
然以羽翼斯文爲任自是聲名藉甚藩帥交辟皆不
屑就時

世祖在潛以太弟之貴開府朔庭招集四方賢士講明當
世之務歲丙辰公應

召而北優被

顧問首陳唐虞三代治道以對又條經國遠圖及民間
利病凡數十事悉見嘉納歲己未

憲宗皇帝大舉伐宋取道巴蜀

世祖奉命帥東道兵直趣鄂岳以公從行公乘間進言王
者之師有征無戰巴蜀地險宋人邊圉孔固萬心鑿
與西邁非萬全之舉也我師未可輕進宜修德以應
天心布澤以係民望敦族以固根本警備以防未然
蓄銳以養兵力相時而動江左不足圖也

世祖偉其說會立江淮宣撫司授公宣撫副使以先啓行
布宣威德招納降附所活不可勝計是歲秋王師渡

江圍鄂

憲宗皇帝次合州綴于一砦師久無功未幾

上仙凶聞至軍中會宋人請和即命班師明年

世祖御極歆柔服宋人以公奉使告登寶位且徵前日請和之議或為公言宋人譎詐叵信盍以疾辭公曰自南北遭難江淮遺黎弱者被俘略壯者死原野兵連禍結斯亦久矣

聖上一視同仁務通兩國之好雖以微軀蹈不測之淵苟能弭兵靖亂活百萬生靈於鋒鏑之下吾學為有用矣乃授翰林侍讀學士佩金虎符充國信使初鄂渚之役宋將賈似道遣介乞和

王師既還遂以扞城為已功入拜偽丞相顓制國事宋主仰成而已聞公來聘恐泄句和之議故館於儀真不聽其入公被留既久上書宋主移文相府開陳古今和戰利病喻以禍福存亡之理累數十萬言皆不報又數以詭計撼公公曰吾家業儒凡七世矣顧肯虧忠義大節以辱中州士大夫乎佐從數十輩雖被館穀嚴扃銅鐵環兵擊柝如墮狴犴中人人鬱抑殆無生意公厲志堅貞確然如石不可轉也至元十一年大丞相伯顏戈船南下奉辭伐罪宋主懼而歸公始知似道姦謀誤國即加竄殛十二年公至京師

世祖錫宴於路朝慰勞良久公自中途遘疾至是增劇翌日車駕幸上都公留治疾以七月乙酉終於所居之正寢

春秋五十有三

朝廷憫其忠節特授公子采麟奉訓大夫知荊州凡從公使宋者賜爵有差噫宋之亡也非若吳皓之昏暴陳叔寶之昏淫以姦臣制主弗體

聖朝好生之德拘執行人自啓兵端爾嚮使從公之言講信脩睦則干羽之舞不專矣於虞庭宗廟血食微若教氏之嘆矣蓋宋運將終天開

皇元混一之期以至歸版圖於職方納降王於軒陛惜公不及見焉悲夫公在儀真日以著述爲事准通鑑綱目作續後漢書以正史壽之失著春秋屬易外傳太

極演原古錄通鑑書法玉衡真觀注三子一王雅行人志等書凡數百卷先哲立言垂世多自幽憂困吝中是知天之厄公適所以厚公也夫人淇澳張氏貞靜端淑教子有法後公十年卒三子二早卒采麟今官集賢直學士朝請大夫文章行業克世其家二女適某氏適某氏孫墅尚幼二第彛字仲常韜晦不仕庸字季常累官奉訓大夫知潁州事公之歿也權厝於保定西郭靜直君墓側大德三年春遷窆于河陽虎頭山之原從吉兆也先事朝請君特淮東道肅政廉訪副使苟宗道所述家傳請銘幽隧復嘗與君同

僚義不可辭銘曰

虎山兮蒼蒼河水兮洋洋山之麓兮河之陽有堂其
封兮郝公之截昔公之往矣金虎斯煌偃革息民兮
仁信是將羌宋人之弗寤兮乃底滅亡公陷荆吳十
六年之久兮秉使節之堂堂英風義槩高古之人兮
耿百世其垂光虎山兮茫茫河水兮湯湯山之永兮
河之長郝氏餘慶兮淵乎未央

故翰林侍讀學士國信使郝公行狀

公諱經字伯常姓郝氏系出有殷帝乙之支子封太
原郝鄉子孫爲世八世祖祚自潞州徙澤之陵川縣
故世爲陵川人曾大父諱昇字子進母某氏大父諱
天挺字晉鄉母某氏父諱思溫字和之旣沒門人謚
曰靜直處士母許氏自八世祖以下皆同居業儒匱
德不仕教授鄉里爲一郡望族靜直君生三子長即
公也次曰彛曰庸公幼不好弄沉厚寡言始知讀書
能強記不忘歲辛卯靜直君與夫人許氏携公避亂
于河南魯山與衆數百皆匿于窟室居無何敵人索

一陽川文集卷之五 十五
知氣薰冗而死者殆盡太夫人亦因咽塞而絕時公甫九歲匍匐摸索得黃蘗一瓶又得蜜一器遂用太夫人所佩剪刀抉其齒以蜜和蘗汁飲之少頃而蘇靜直君異之雖奔走瀕死者數愛公不忍棄也歲壬辰河南亡徙居順天府亂後生理狼狽靜直君欲令次子讀書俾公專治家事以紓目前之急太夫人曰吾觀是兒志貌不凡他日必大吾門忍令廢學以墜家聲不過我輩忍窮數年耳靜直君以爲然命公就學公亦自振勵雞鳴而起執薪水之役晝則營幹家事少隙執書讀之而不輟也會鐵佛寺僧張仲安者

識公茂異以寺之南堂居公聚童子而教之公遂刻苦力學肆意窮討末不解帶忘寢與食坐徹明者五年每遇疑難則沉思良久反覆諷誦期於必得必悟而後已嘗自誦曰不學無用學不讀非聖書不務邊幅事不作章句儒達必先天下之憂窮必全一己之娛賢則顏孟聖則孔周詎如韋如脂爲碌碌之徒而已耶故慨然以興復斯文道濟天下爲己任讀書則專治六經潛心伊洛之學涉獵諸史子集一以窮理盡性脩己治人爲本其餘皆厭視而不屑也故世之爲決科干祿纂組詞章之學者始則羣聚訕笑終亦

拱視而服之矣。旣冠，順天路左副元帥賈侯。一見待以國士，辟公教授諸子，以書萬卷，俾公讀之。數年，公聲名日盛。萬戶蔡國張公聞之，禮請公館于帥府。授諸公子學。張公復有書萬卷，付公之管鑰，恣其搜覽。公乃大足平生之願。卒成偉世之器。厥後張賈子孫比皆爲將相名臣，以顯于世。初，遺山元先生學于公之大父。亂後，往來燕趙間，一見公，竒之，曰：「吾子狀類先生，才識間出家世淵源有所積而然也。」遂相與作詩作文法，復勉公以百世遠大之業。江漢趙先生愛公文筆雄贍，練達性理，謂之曰：「江左爲學，當如伯常者甚多，然似吾伯常，挺然一氣，立於天地之間者，蓋亦鮮矣。自是而名亦重焉。」諸鎮侯伯馳書交幣，各欲聘爲己用，皆拒而不答。歲壬子，今上以皇太弟開府于金蓮川，徵天下名士而用之，故府下諸公累薦公于

上乙卯秋九月

上遣使召公不起。十一月，召使復至，公乃歎曰：「讀書爲學，本以致用也。今

王好賢思治如此，吾學其有用矣。歲丙辰正月，見于沙陀。上問以帝王當行之事，公援引二帝三王治道以對，且告

以親親而仁民仁民而愛物之義自朝至晡

上喜溢不倦自後連日引對論事甚器重之且命條奏所欲言者公乃上立國規模二十餘條以爲創法立制必有一定規模然後可行故有一國規模有天下規模有萬世規模當今依倣前代建立萬世規模皆當時天下國家大事

上復問當今急務公舉天下蠹民害政之尤者十一條上之切中時弊

上皆以爲善雖不能即用至中統後凡更張制度用公之言十六七歲己未

憲宗皇帝帥天下兵大舉伐宋自西川入

今上總兵直趣荆鄂遣使召從行

上駐蹕於濮會軍師有以宋臣植齋奏議呈獻者言宋邊防衝要忌吾者凡七處

上召諸公共議公乃具奏以爲古之一天下者必已之德澤深厚紀綱完具彼之荒淫亂虐敗亡有蒙天命人歸一舉而取之其地醜德齊驕肆妄動輕則見沮而還重則覆亡之不暇我

國家開創以來彎弓躍馬窮征遠討四十餘年紀綱未立民不聊生彼之君臣輯睦政事修明無釁可乘我

乃空國而來僥倖一舉諸侯窺伺於內小民彫弊於下故人之攻吾者不啻數十百道而不備乃利人久備之道而攻之臣見其危矣願王整兵修武以俟西師藏器於身待時而動與

帝修帝德以應天心明王道以慰人望簡賢良以尊將相親宗室以壯基圖撫諸國以消潛慝制諸道以防窺竊實屯戍以嚴武備結盟好以弭兵鋒興學校以育英才恤瘡痍以養元氣如是則禍變可弭社稷無虞我無繫而宋可圖矣

上見公儒生談論兵事剴切愕然曰是汝與張掾部共議邪公曰臣少館于張侯之門亦嘗聞其論議此特臣臆說張侯初不與知也公退而著書義名之曰七道凡七千餘言會以前中書令楊公惟岳為江淮荆湖南北等路宣撫使命公為副使以歸德路一軍聽二公節制行至棗陽楊公以私故欲還沛果公曰獨者奉

命令我輩布宣

恩信以先啓行傳聞王師已踰淮蒞我若背馳還亦是大不可楊公弗聽公反履辨爭楊公怒而起曰事當從長遂不與公會面者三日公乃率戲下擬建旆而

南楊公悔懼抵暮詣門而謝曰某誤矣公之執守讀書之力也敢不唯命是聽翼日遂與之俱會

王師于江上此又足以見公之不為阿諛詭隨有如此者公等存恤遺黎所納降附所至民皆聚拜馬首故遠近降者如歸所活不可勝計繼而聞西師果以萬乘之威綴于一寨數月不拔死傷甚衆公急上奏曰東師譏大略以爲且當按兵觀釁以全東師所以防禍於未然者周至懇到

上稱善者久之然與

帝業已定約不獲中止遂渡江圍鄂未幾

憲宗凶問至自合州鄂人乃據城堅守不下師竟無功而

還明年庚申三月

上即皇帝位于開平四月遣使召公欲令使宋公適自江

上回或勸公稱疾勿行公曰吾讀書學道三十餘年竟無大益于世今天下困弊已極幸而天誘其衷土上有意息兵是社稷之福也儻乘幾挈會得解兩國之鬪活億萬生靈吾學爲有用矣遽赴

召夏四月見于開平以公爲翰林侍讀學士賜佩金虎符充信國大使齎國書入宋告

登寶位不通好弭兵息民意仍

詔沿邊諸將毋得出境侵抄及

陞辭公請與一二蒙古偕行

帝不許曰只卿等往彼之君臣皆書生也且賈似道在鄂
特已嘗請和於我矣將出

帝賜蒲萄酒三爵且命公曰朕初即位凡事草創卿今遠
行所當言者可亟上之公乃具草言

帝臨御之初當大有爲以定萬世之業皆佐王經世之略
凡十六條其言備禦西王罷諸道世襲尤爲切至
帝皆節次行之初

朝廷將遣公等命益都路行省李壇先差人達知亡宋
夏五月公至濟南壇以書來止公云過遣劉仙等二
人至淮安已爲知州葉再遇所殺宋人意殊叵測公
等可無行也壇意實不喜和議故因此以止公公曰
吾受命

朝廷持節而出若以邊將之言而遽回罪也遲疑顧望
而不進亦罪也乃以壇言聞諸

朝而行六月至宿州以信使一行到邊移文亡宋三省
樞密院制置司以請接納宋之君臣會議久而不報
時邊帥有侵略宋境俘獲生口而去者公遣人追及
之責以不遵約束之罪仍將生口數十護送各歸本

業七月進至五河口宋人遣揚州制置司幹官朱寶
臣遙授陳州通判秦之才來接伴八月復遣懷遠軍
招撫司叅謀潘拱伯來館伴仍請登舟而南公將入
宋境憂

朝廷初政治具未完事有未善者遣使上封事言闕失
以爲

國家振舉綱維修明禮樂雖不能便如三代亦當期致
漢唐不宜苟且參用儉人以蠹

國政又極論風俗者天下之命脉方今最爲敗亂當速
修理行次昭信伴使潘拱伯傳兩淮制置使李庭芝

欲一見

國書公正色曰

皇帝授使人國書令見貴朝國君而與之今伴使要我於
半塗其故何哉拱伯不敢復言九月至真州館於忠
勇軍營宋人規模布置已成因所矣十月宋遣吉州
刺史兩淮制置司諮議官衛司愈來傳宣撫問云蒙
國遣使通好實出美意爲李松壽一再犯邊故且館
留議真又出李庭芝一書云信使以美意而來松壽
乃懷姦以逞以此而和殆類疑我仍械繫李璫敗將
劉軍判者以爲口實初公之在宿州李璫潛師侵宋

宋人敗之淮安故以款兵之事誣我公答書大略開
陳

聖主通好美意中間別無蓋藏至於邊將用兵啓釁彼自
不遵

詔旨何與使人事仍上表宋主有云願附魯連之義排
難解紛豈如唐儉之徒款兵誤國宋人見公辭直理
順遂不復言自後公等移文制置司請入見不報請
歸

國亦不報乃牒宋三省樞密院致書平章賈似道上書
宋主闕下反復辨論古今南北戰和利害并今次遣
使止是告

登寶位布通好弭兵息民意前後凡數十萬言皆不報
伴使等但云朝廷已有定議矣初公之爲使也雖出
於

聖上本意平章政事王以道忌公威望軋已乃力贊之仍
親作

國書以促公行蓋欲排置于外也宋人既定議留公不
遣見公辭氣曾無少沮明年伴使朱寶臣等僞報
本朝異聞公弗聽復累言之欲離貳公心以起降意公
厲聲曰此事斷無設若有之更當發遣我輩還

國公乃與介佐一行東萊露次于庭者月餘以請歸宋人知公終不可屈乃堅請復位後果虛妄公在真州所居之館故總制廳事也館門扃鑄牢固無故不復啓鑰院中舊有大樹數株盡皆斫去牆高丈餘上則樹以蘆柵下則苻之以棘外則掘壕澗置鋪屋兵卒坐鋪者恒百餘人晝則周圍覘伺夜則巡邏擊柝所以防閑挫抑者無所不至公皆不以為意益振其剛大之氣不作委靡乞憐之態公御下頗嚴介佐人負見宋以長久之計羈縻不遣時亦有怨嗟者公謂之曰吾一介書生蒙

三人兩微而起一命為宣撫使再命為國信大使捨忠義其何以報嚮在淮北猶豫顧望畏避不前我之罪也一渡長淮宋既接納盡其在我者而已其死生進退在於彼國吾惟有一守節不屈耳吾祖宗以來七世讀書寧肯為不忠不義以辱及中州士大夫乎但君等不幸同在患難且宜忍死以待吾以天時人事測之宋之氣數不遠矣眾皆悅服故雖被拘執十有六年除物故三數人外皆能與公俱歸蓋以公平生忠義之氣有以激勵而然也歲丙寅春三節人有因鬪毆相殺死者公曰若輩拘囚歲久殆無生意是不

可與久處此困厄也恐別生事端玷吾大節乃與幕僚苟宗道等六人築館別居於外者又九年片天之下四壁之內秋霖夏暑不勝其苦公處置一定雖萬折而不劔著書吟詠自若也宋人知公志節終不可奪亦不忍害反畏而敬之日給廩餼頗有加焉至至元十一年甲戌大丞相伯顏將兵伐宋既渡江

帝命兵部尚書廉希賢洎公之弟行樞密院都事郝庸等

齎

詔赴杭州問以執行人之故宋人懼遂禮而歸公焉明

年三月

帝知公至且病遣近侍太醫迓公者相次于道所過郡邑不遠數百里來觀者如市父老見公全節不屈龍鐘皓首而歸徃徃有泣下者夏四月至京師入見

帝嗟慰勞來懇至賜宴畢復

召入賜坐論事適大臣奏呈諭宋詔草不稱旨俾公改

作公援筆立就

帝稱善即行之至晡乃出翌日

車駕幸上都令公就醫看治無何宿疾復作秋七月十有六日疾革其子采麟問以後事仍以紙筆呈公公執筆目半瞑但書天風海濤四字餘無所言少頃終

子所居之正寢春秋五十有三天下聞而哀之越二十有八日采麟奉柩

都省差官護送權厝于保定府西郭外靜直君之墓側公雖沒四海九州之內牛童馬走皆能道公姓字矣後

朝廷憫公忠節凡從公歸者各命官有差特命其子采麟以奉訓大夫知林州初

上之園鄂也賈似道懼而請和

上未之許而聞

先帝昇遐班師北歸似道遂以爲已有却敵之功言矣

主即軍前拜相甫入朝秉政而公往奉使議和以尋前約似道諱其前言之失耻爲城下之盟故定議羈留公等於真州舉國皆知其非唯似道主而不遣也噫公入宋之初而似道拜相公歸數月而似道見殺公沒之明年而宋亡公之一身關係兩朝之興衰惜乎不得一見而終也公生於喪亂之後能疑寧振拔不爲流俗所移以蓋世豪邁之氣堅忍不渝之志爲成已成物之學故能深造自得二體用兼本末貫萬物而不遺至於太極先天造物之機道德性命之情之妙與夫聖賢心傳踐履之實古今開濟天下之要

則尤精察洞究粹然一出乎孔孟之正諸子以下不屑論也蓋將唱鳴吾道揮斥百家邪說之蠹橫聖門而禦侮高明正大挺然一世之傑所以能建奇功立大節著書傳道以大儒名天下後世其或賦詩飲酒邀賓接物而英風逸氣有足以動人者此特公游泳陶寫之餘事耳其文則如百川之滂如長江大河有源有委下筆數千百言不求奇而自奇無意於法而皆法純乎理性而不雜故能自成一家之作其詩則氣韻高遠止乎禮義得詩人忠厚之意故能遠寓五言詠情性不爲近體尖新切律之語亦足以自成一家字畫則天姿高古取衆人所長以爲己有故有筆勢俊逸道勁似其爲人無傾側頗媚之態亦爲當代名筆公自幼事父母以孝謹稱事繼母尤篤撫育弟妹甚厚以全八世同居之義亂後得親於遠者待之亦同骨肉與人交結始終以誠而又喜交游好施與樂爲善事受人之恩必切切思報雖小而不忘爲人軀幹瓌偉氣貌嚴肅曾次洞達辭鋒雄辨望之凜然有不可犯之色但資賦剛方疾惡太甚故屢中小人之禍拘留宋中不與世接反得究竟平生著述公自

弱冠每以陳壽所修三國志統紀紊亂尊魏抑漢後世不公之甚他日必當改作及聞晦庵先生有通鑑綱目掌語人曰綱目雖奪魏統而與漢然一代完書終未改正公乃創作紀傳序志論贊等書其辭例森嚴正大雄深雅健黜姦雄之僭偽續一世之正統則昭烈孔明之心白日正中也仍改曰續後漢書若干卷以春秋聖人用道之書學者所宜深究乃作章句音義若干卷制作本意若干卷比類條目若干卷可使讀書者得聖人之本意泝流而求源由近而致遠也又學春秋者必自三傳入而三家互有得失乃作

三傳折衷若干卷凡四書總名之曰春秋外傳共若干卷合十餘萬言又以孔子承三聖之易為之作傳已極其至近世諸家傳注論議不一乃著周易外傳十卷又為太極演原古錄通鑑書法玉衡貞觀刪注三子一王雅行人志等書各數十卷又合十餘萬言觀公之用力聖門自期於不朽其志可謂勤矣今文集若干卷行于世公娶淇澳張氏賢明端淑貞靜有守公在宋十餘年夫人治家有法寬惠慈愛篤於恩義宗族賴之以安後公十年而卒子男三人二早卒一即采麟也今集賢直學士朝請大夫孫野尚幼女

二人長適中書省知印王良傑次適從仕郎安陸縣
尹蕭玠弟彝字仲常讀書學道不求宦達以醇德篤
行終男二人長早卒次克紹弟庸字季常累官奉訓
大夫潁州知州而卒有女二人長適洛陽裴氏子讓
次適潁州學正申必敬奉直大夫江北淮東道兩政
廉訪副使門生荀宗道狀

封贈

翰林國史院呈

皇帝聖旨裏翰林國史院謹呈照得故翰林侍讀學士郝
經始於丙辰年

世祖皇帝召赴

闕庭己未年欽授

宣命江淮荆湖南北等路宣撫副使至中統元年欽授
宣命授前職佩金虎符充國信大使使宋宋人輒留一
十六年逮

王師入境始得北歸無幾宿毒暴發身故至元二十四

年元貞二年禮部御史臺俱爲本官封贈事舉呈都
當至今未蒙

聞奏本院參詳本官抱幽鬱之憤者一十六年其風節
耿耿始終不移向非彼取滅亡必無生還之道興言
及此良可哀也且江南未平之前

朝廷惟以拘留使人爲宋朝之罪蓋視李使爲甚重也
及其幸免而來則不暇行賞而後旋既有年而封贈
之典尚闕此尤可哀者也抗不身之危而待一國之
斃方之蘇武功則過之禮宜優加爵謚表異恩以

彰

聖朝崇義報功之美合行具呈中書省照詳施行

大德七年七月 日

御史臺事

皇帝聖旨裏御史臺據監察御史呈伏惟剖符析爵崇德
報功加謚定封褒忠勸善匪徒誇觀美而飾虛文將
以表勤勞而歛實用也如唐贈白起周封比干苟著
忠勲於異代猶加寵命以旌之况拍地竭節宣力當
世乎竊念故翰林侍讀直學士郝經負匡濟之略荷特
達之知方

世祖皇帝龍飛之初歎殘宋之未服生靈糜爛方域繹騷
亟欲保境寧民戢兵講武擇公卿將以遣之見大夫
無可使者遂授公以前職九國信使持

聖書往喻旨屬僞主孱懦邪正擅朝絕不為通拘弗令
父屢欲加害略無改容守死益堅抗言彌厲我

朝以其執使拒命阻兵安忍故一怒興師而長江失險
勢將銜璧危若綴旒國至臨亡公始得釋被拘十有
六年蹈禍患而弗撓觸威武而弗懾忠義肝腸始終
如一雖蘇屬國之持節漢北顧平原之禍笏淮南殆
無以過也因奉命無辱莫顧一身致伐罪有辭遂混

六合歸

朝未幾以疾不祿褒崇之典咸明闕然歛惟

聖主嗣登寶祚動遵憲法禮遇崇隆後封以斷其勳

死贈以獎其魂莫間幽冥均霑寵渥唯公服勞今世
不媿古人封贈未加寔孤衆望若蒙錄其忠勳錫以
贈謚庶幾陳力就列之臣益思勉勵也乞照詳得此
本臺合行具呈中書省照詳施行

大德七年十月 日

封贈

大德九年

成宗皇帝制曰鄂渚之役彼因紆難以白和中統之初首
議遣書而通好故翰林侍讀學士國信使郝經毅然
銜

命志在息民徃諭

聖祖一視之仁卒被偽相姦謀所梗雖蒙假館遂見拘留
屬書未達於中原龍棹已橫於江上閉儀真者十六
載臣操益堅訖宋錄之三百年兵端自此甫遂生還
之願遽傳哀訃之音永懷忠亮之風宜舉褒崇之典

於戲請纓象闕旣酬終軍繫粵之心圖像麟宮式表
子卿歸漢之節可贈昭文館大學士資善大夫謚曰
文忠主者施行

大德九年六月 日

延祐四年四月

今上皇帝加贈推誠保節功臣昭文館大學士榮祿大夫
司徒柱國追封冀國公謚文忠

郝文忠公陵川文集卷之一

賦

擊蛇笏賦

哀三都賦

渾沌硯賦

銅雀臺賦

龍蟠若木山子賦

靜華君墨竹賦

怒雨賦

瓊花島賦

泰山賦

虎文龍馬賦

冠軍樓賦

瓊花賦

秋風賦

牡丹菊賦

幽翹賦

卷之二

古詩

寓興

原古上元學士

黃華

蒼玉軒

虛白庵

鶴媒

三臺

去三汊見太行

北風

明月

古意

中夜誦書有感

義士

鴈媒

書姜里祠

卷之三

古詩

曲阜懷古

孔林

顏巷

子思墓

遊靈巖寺

青州山行

獲鹿新居哭元遺山

贈劉成之

杏壇

周廟

奎文

贈青社諸公

界塔雪

登昊天寺寶嚴塔

隋州

石門

白兆山

雲夢

青山磯市

壓雲亭

黃鶴樓

渡江書所見

野蓮

荒竹

秋桐

野菊

卷之四

古詩

渡江書事

宿汝南道院

浮山堰

冬後在儀真館賦詩以贈三使

儀真館後園感春

幽蘭三使致蘭二本感而賦詩

橄欖

秋思

儀真館後園海棠兩花于秋因為小酌賦詩

甲子歲後園秋色四首

鷄冠

牽牛

葡萄

野蓼

新館秋懷贈正甫書狀

烈士吟贈總領宋瑤

新館八月三日雨

新館春日書懷

丁卯孟春新館望南極

卷之五

古詩

幽思

采杞

卷之六

古詩和陶序

停雲

時運

祭物

贈長沙公族祖

酬丁柴桑

荅龐參軍

勸農

命子

感而有作

歸鳥

形神影

影荅形

神釋

九日閑居

歸園田居六首

問來使

遊斜川

示周掾祖謝

諸人共遊周家墓柏下

怨詩楚詞示龐主簿鄧治中

荅龐參軍

五月五日作和戴主簿

連雨獨飲

移居二首

和劉柴桑

酬劉柴桑

和郭主簿二首

於王撫軍坐送客

與殷晉安別

贈羊長史

歲暮和張常侍

和胡西曹示顧賊曹

悲從弟仲德

始作鎮軍參軍經曲阿

庚子歲五月中從都還阻風於規林二首

辛丑歲七月赴假還江陵夜行途中

癸卯歲始春懷古田舍二首

乙巳歲三月為建威參軍使都經錢溪

還舊居
丙辰歲六月中遇火

己酉歲九月九日

庚戌歲九月中於田舍獲早田

丙辰歲八月中於下潁田舍獲

卷之七

古詩和陶

飲酒

止酒

蜡日

四時

擬古九首

雜詩十二首

詠貧士七首

詠二疎

詠荊軻

讀山海經十三首

聯句

桃花源詩

卷之八

歌詩

白溝行

賢臺行

古菱花鏡詞

藜杖行

蔡江月歌

天賜夫人詞

綠珠詞

朝雲詞

讀鄉先生劉景玄碑

讀麻徵君遺文

湖水來

梨花曲

題琴戚先生畫像

聽角行

蜀亡漢贈眉山唐仲明

西郎吟

懷素青帘鬪將二帖歌

再飲陵山春

長歌哀李長吉

壽元內翰

辨磨其露碑

卷之九

歌詩

讀党丞旨集

書蔡正甫集後

登龍興觀銅像

趙邈齋伏虎圖行

跋展子虔畫齊後主幸晉陽宮圖

山陽橙歌贈絃子玉

鼠毫筆行贈劉遠

贈楊伯通

綿元行

蒼李漁王

唐十臣像歌

樓子白蓮

宣和內人圖

薛稷舞鶴圖

素晴月儀帖

跋党丞首篆字太白琴譜

書黃華涿郡先主廟碑陰

入燕行

跋魯公送劉太冲序帖

荆公配享小像碑本

定武蘭亭帖

望漢臺

涉血行

卷之十

歌詩

宿鐵塔寺

楷木杖笏行

手植檜孔子像

梁甫吟

封松行

乙卯秋九月十九日登泰山太平頂

華不注行

惜山陵行

居庸行

北嶺行

懷來醉歌

鷄鳴山行

沙沱行

化城行

鐵堠行

古長城吟

白山行

戊午清明日大城南讀金太祖睿德神功碑

聽姚尚書彈玉磬琴

趙州石橋

東坡先生畫像

溫公畫像

閑閑畫像

高麗嘆

曉登昆陽故城

武當道士歌

巴陵女子行

巴陵女子赴江詩

武昌詞三首

使宋過濟南宴北渚亭

古篆行

卷之十一

歌詩

西陵行

書畫錦堂碑後

朝歌行

比干墓

共山行

太行望

三汜北城目榭翫月醉歌

望京府賞紅梅

黃山草聖歌

三峯山行

青城行

照碧堂行

汝南行

金源十節士歌

王子明

移刺都

郭蝦蟆

合荅平章

陳和尚馬

烏古孫道源

仲德行院

絳山奉御

李豐亭

李伯淵

題項王墓

靈泉行

卷之十二

彭城李帥射虎行

八月十五夜五河口觀月

增定行

書蕉山瘞鶴銘後

書磨崖碑後

江梅行

江聲行

花藥夫人詞

二年冬至日湯安撫送梅

後聽角行

巧蟠梅行

電白馬行

長星行

入奏行贈千戶魏斌

感果行

恨牆嘆

宛鏞嘆

憶寶刀歌

陽春怨

長歌行爲正甫書狀壽

丁卯冬十二月二十八日修易外傳畢記夢

卷之十三

律詩

秋興五首

寓興

李淑玉送醉梨

雪意

晚晴登西臺

呈王內翰

送陵川魏夢臣

南樓書懷贈趙丈仁甫

送仁甫丈還燕

送高聖舉之關西

哀王子正

追挽楊文獻公二首

送董巨源

挽喬侯

老馬

詠史

壽毛德義

題楊之美尚書寄王運使守太原書後

哭高監察

讀昭烈皇帝紀

南堂即事

大宛二馬

落花

哭魏先生

挽劉善甫

挽賈叔儀

哭祁陽賈侯

哭蕭侯孟圭

挽劉房山

題李轉運碑後

次韻王國範

靜香亭二首

題涿郡昭烈皇帝廟

衛南感

靈巖

金線泉

過瀟湘

竹溪

哀李文甫

哭亡友孟振文

曉渡澧河

營獨山谷

德安道中聞大軍渡江

公夫人毛氏挽章

孟少保後園四題

芙蓉

木犀

山茶

瑞香

題汶陽王太師彥章廟

晚登徐州黃樓

題留城留侯廟

宿州夜雨

震南樓

以三弟庸將別憶二弟彝

沙洲夜泊

九月晦盱眙南為何

奉和詳議叔臘梅之什

月卅

館中書懷

劉房山方鏡二首

伴使秦文舉欲入維揚故賦詩以見意

芍藥

瓊花

館中書懷

晚步

為劉詳議壽

曉起

湯計議生朝

生朝祭先有感

先大夫忌日

為劉郎中壽

鏡蕪亭

望金陵

贈都事苟正甫

甲子秋懷

秋晚後園獨

壽劉詳議

晚步

丙寅新館重九

丁卯春日夜飲見月

雨中飲臘封瓊露

修易內外傳太極演

贈馬德璘

贈魏斌

戊辰新館守歲贈正甫書狀

勉孔晉學

己巳三月二十六日二首

庚午夏至夜雨

壽正甫書狀二首

卷之十四

律詩

升賢村二首

張燕公讀書臺

寓感二首

過友人故居

送王國範北上

送宋和甫從軍

下泰山題真君觀壁

開平新宮五十韻

不寐

春夜

儀真館中暑一百韻

二月二十三日猶在儀真館三首

月夜感懷

江暑

壽何待制

雨中感懷

薄暮二首

曉起

聖節

壽劉詳議

江雲
新館感春四首

丁卯夏六月大雨震雹

八月九日甲子夜雨
九月五日念母

戊辰寒食
贈魏斌

傳易有感

壽正甫書狀往歲正甫壽余必詩今歲復用其韻以壽之

新館夜聞杜鵑二首
壬申二月四日二首

病中即事
十二月十七日大風雪

癸酉閏六月十三日夜病中聞笛二首

卷之十五

七言絕句

滿城道中二首
抱陽寺

郎山
九日郭外二首

讀張良傳
讀則天紀

讀唐文粹
醉後二首

張侯宅新竹四首
讀晉武紀

即事
獨酌

蠶
西園姚黃

題明皇私語圖
題芙蓉盆

羽扇
大風

三臺懷古二首

蘇門八詠

百泉

湧金

梅溪

卓水

蒲臺

仙人迹

樂窩

月臺

門

龍德故宮懷古一十三首

宮人斜

宿邯鄲

射鴈

味真庵

感興

帥正堂

曉渡沙河

長蘆舟中遇風四首

贈漁者二首

曹南道中憇關羽祠書事二首

寓目

秋夕

宿黃陂縣南

賢王渡江

渡江中流贈楊宣撫

幽蘭軒

太白入斗

宿舊縣

勝游

邵白藕

霜後芙蓉

燭花

聞歸鴈

正月三日見月

送江梅還伴使

凌晨

感興

佛頂橙

儀真館後園茂葵

楊子

館中春晚

八月十六日曉起見月

聞鴈

橄欖

江靜

梅

憶酒友

喜雨

不寐

十樣小菊

館人餽鴈

芙蓉小酌

窻池

二月一日雨中看梅

示馬德璘

示孔晉

丁卯歲元日

貞州沙瘴

立秋夜有感

丁卯新館寒食無花

館內幽懷

伴使西計議送牛酪

新館木犀

觀哺乳燕

觀牡丹菊有感

戊辰七夕

戊午歲作一貫圖戊辰冬十月晦始成

讀堯典

讀王旦傳

即事

夢遊木香洞府

暮春二首

五言絕句

同闕彥舉南湖晚步四首

送關彥舉

促織

扶寒

即事

大城南

卷之十六

圖記

太極圖說

先天圖說

一貫圖說

卷之十七

卷之十八

道

性

情

仁

命

心

氣

教

卷之十八

論

五經論并序

書

詩

易

春秋

禮樂

思治論

卷之十九

論

辨微論

異端

禮樂

學

學

學

經史

厲志

時務

傳國重論

卷之二十

雜著

內遊

叙書

學難

瑞麥頌

文弊解

龍首辨

二履辨

瘞鶴銘辨

文

手植檜復萌文

邀窮文

哀辭

胡先生哀辭

渾源劉先生哀辭

卷之二十一

祭文

祭淮瀆文

禡牙文

祭遺山先生文

祭魏先生文

祭趙敬叔文

祭順天賈侯文

祭蕭孟圭文

祭成玉文

箴

志箴

家人箴

師箴

友箴

思箴

正心四箴

恐懼箴

憂患箴

念憶箴

好樂箴

立箴

自恕箴

銘

樗庵銘

容齋銘

曲肱亭銘

日觀銘

居庸關銘

面銘

背銘

左銘

右銘

竹瓦枕銘

卷之二十二

贊

先天圖贊

大禹泣囚圖贊

元遺山真贊

王良臣真贊

說

文說送孟駕之

養說

讓說

卷之二十三

書

請舅氏許道士出園堵書

答友人論文法書

與北平王子正先生論道學書

移諸生論書法書

答高雄飛書

卷之二十四

書

與漢上趙先生論性書

上紫陽先生論學書

與闕彥舉論詩書

答馮文伯書

上趙經略書

為家君請命書

卷之二十五

記

萬卷樓記

趙簡子廟記

醉經記

鄰野堂記

種德園記

臨漪亭記

含光殿瓦硯記

庸齋記

皇極道院記

休復亭記

恒齋記

萬竹堂記

時中齋記

卷之二十六

記

去魯記

灑澤堂記

素庵記

橫翠樓記

積慶堂記

北風亭記

棟華堂記

太極書院記

鐵佛寺讀書堂記

卷之二十七

記

鏡薌亭記

退飛堂記

蘆臺記

甯池記

江石子記

是是堂記

密齋記

朱兩先生祠堂記

卷之二十八

序

一王雅序

春秋制作本原序

春秋三傳折衷序

春秋外傳序

卷之二十九

序

甲子集序

原古錄序

太極演總序

周易外傳序

續後漢書序

玉衡真觀序

變異事應序

卷之三十

序

送常山劉道濟序

唐宋近體詩選序

再送常山劉道濟序

送太原史子桓序

送漢上趙先生序

送鄉先生朱君還燕序

送王之才南遊序

囊括圖說序

送柴梓材序

送道士申正之序

儒行序

刪注刑統賦序

朱公文公詩傳序

率義會序

心庵先生陰符經集解序

送張漢臣序

卷之三十一

述擬

漢淮陽王檄郡國討王莽文

漢昭烈帝討吳孫權檄

漢丞相亮偷偽魏檄 隋晉王廣滅陳禽叔寶露布

唐太宗即皇帝位赦文

太宗伐高麗班師詔 贈魏徵司空制

宋璟右丞相制 贈張巡楊大都督制

郭子儀賜號尚父制 贈韓愈禮部尚書制

追復李德裕太子少保衛國公制

李克用破黃巢露布 諸鎮討朱全忠檄

卷之三十二

奏議

東師議

班師議

立政議

河東罪言

便宜新政

備樂奏目

卷之三十三

碑文

唐帝廟碑

廉將軍廟碑

漢義勇武安王廟碑

四賢祠碑

姜里周文王廟碑銘

齊太公廟碑

涿郡漢昭烈皇帝廟碑

漢丞相諸葛忠武侯廟碑

卷之三十四

碑文

漢高士管幼安碑

漢義士田疇碑

殷烈祖廟碑

新野光武皇帝廟碑

周子祠堂碑

順天府孔子新廟碑

豐縣漢祖廟碑

留城留侯廟碑

卷之三十五

墓誌銘

遺山先生墓銘

房山先生墓銘

須城縣令孟君墓銘

許鄭總管趙侯述先碑銘

崔氏世德銘

程先生墓銘

廣威將軍潞州錄事毛君墓誌銘

左副元帥祁陽賈侯神道碑銘

公夫人毛氏墓碑

故易州等處軍民總管何侯神道碑銘

故中書令江淮京湖南北等路宣撫大使楊公神道碑銘

河陽遜士苟君墓銘

卷之三十六

墓誌銘

先曾叔大父東軒老人墓銘

先伯大父墓銘

先大父墓銘

先叔祖墓銘

子阿寶柩殯誌

子阿長柩殯誌

行狀

先父行狀

先妣行狀

喬千戶行狀

卷之三十七

使宋文移

宿州與宋國三省樞密院書

宿州再與三省樞密院書

與宋國兩淮制置使書

再與宋國兩淮制置使

上宋主請區處書

與宋國丞相書

卷之三十八

使宋文移

再與宋國丞相書

復與宋國丞相論本朝兵亂書

通總管回降與賈丞相書

與賈丞相書

卷之三十九

使宋文移

上宋主陳請歸國萬言書

郝文忠公陵川文集目錄終